

UCAPAN YAB PERDANA MENTERI,
DATO HUSSEIN ONN, DI MAJLIS
PERASMIAN KONVENSYEN UMNO
NEGERI PAHANG, DI DEWAN MAKTAB
RENDAH SAINS MARA, KUANTAN,
PADA HARI ISNIN 26HB. MEI, 1980
JAM 9.00 PAGI.

Assalamu mullaikun - - - -

Bismillah - - - -

muntai Besar, merangkap

1. Yang Amat Berhormat

Pengerusi jawatankuasa
Kerja Konvensyen.

2. Ahli-ahli Yang Berhormat,

3. Ketua-ketua Parti Komponen Barisan Nasional
Negeri Pahang,

4. Para Pesuta.

5. Tuan-tuan dan puan-puan sekalian.

Alhamdulillah, syukur saya kehadiran ALLAH
Subhanahu Wataala kerana, dengan limpah rahmat
serta izinNYA, dapat saya bersama-sama hadir

... 2/-

2.

di Konvensyen UMNO bagi Negeri Pahang pada hari ini. Saya ucapkan ribuan terima kasih kepada Jawatankuasa Penganjur, kerana menjemput saya ke upacara yang penting ini, dan memberi penghormatan kepada saya untuk membuat ucapan perasmian di Konvensyen ini.

2. Sebagaimana kita sedia maklum, Konvensyen yang diadakan ini merupakan satu orientasi baru dalam sistem pentadbiran dan perjuangan UMNO.

3.

Melalui konvensyen

yang diadakan diseluruh negara, maka dapatlah

UMNO menyusun strategi dan langkah-langkah

perjuangannya secara menyeluruh, dengan

mengambil kira masalah-masalah setempat. Oleh

sebab UMNO menjadi teras Kerajaan, pandangan

Parti melalui Konvensyen yang diadakan ini, adalah

penting, supaya dapat memandu Kerajaan di dalam

merumuskan dasar-dasar bagi kepentingan dan

kemajuan negara. Tiap-tiap ahli UMNO, serta

mereka yang terlibat di dalam konvensyen,

hendaklah menjadikan konvensyen yang diadakan

... 4/-

dari masa ke semasa ini, sebagai satu forum untuk memperkukuhkan Parti dan meneruskan perjuangannya.

3. UMNO telah mencapai usianya 34 tahun pada 11hb. Mei yang baru lalu. Dengan usia ini, Parti kita boleh dianggap sebagai telah meningkat kepada usia belia-remaja yang matang. Keremajaan dan kematangan inuhanya dapat dibuktikan dengan orientasi dan corak pemikiran ahli-ahli Parti, serta tindak-tanduk dan amalan mereka di dalam perjuangannya. Ini adalah cabaran besar kepada kita semua, samada kita memegang jawatan pemimpin di mana-mana peringkat, atau menjadi ahli biasa,

5.

iaitu samada ahli veteran atau pun yang muda

Walau apa pun kedudukan kita di dalam Parti,

kita hendaklah meletakkan kepentingan Parti dan

perjuangannya di atas segala-gala

yang lain.

Tuan-tuan dan puan-puan, sekalian.

4. Sebagai ahli Partukita mestilah sentiasa

ingat«,bahawa amanah yang kita pikul adalah berat

dan penting sekali. UMNO, sebagai sebuah Parti

yang mempunyai tujuan-tujuan

seperti

yang

termatud

di dalam Perlembagaannya, adalah

menjadi tempat bergantung masyarakat Melayu

khasnya,dan rakyat seluruhnya. Melalui UMNO,

negara kita telah mencapai kemerdekaan.

...6/-


6.

Melalui UMNO juga, Perlembagaan negara telah digubal sedemikian rupa, bagi melindungi kedaulatan negara dan semua golongan rakyat di negara ini.

Amanah dan tanggungjawab meneruskan perjuangan bagi menjaga keutuhan, kedaulatan dan kemakmuran negara, mestilah dipikul bersama oleh tiap-tiap ahli UMNO dengan penuh keinsafan, perasaan tanggungjawab, dan kewarasan fikiran.



/ UMNO, sebagai orang Islam



memandang amanah ini
tanpa apa-apa kekeliruan.

..7/-

7.

5. Saya suka menegaskan, bahawa UMNO perlu dan mistilah menjadi Parti yang dianggotai oleh ahli-ahli yang berhati jujur dan bersih, yang mementingkan perpaduan, dan mempunyai semangat perjuangan yang gigih serta luas. Ini hendaklah menjadi pedoman dan pegangan semua ahli UMNO, samada mereka menjadi ketua, atau yang bakal menjadi ketua, mahupun ahli-ahli biasa. Tiap-tiap seorang daripada kita, adalah diamanahkan untuk memperjuangkan tujuan-tujuan Parti dengan berlandas dan berpandukan kepada cogan-kata UMNO, iaitu, "BERSATU, BERSETIA DAN BERKHIDMAT".

...8/-

8.

6. Keutuhan UMNO dan pencapaian segala matalamat perjuangannya hingga ke hari ini, adalah berdasarkan kepada semangat perpaduan yang dipelihara dan disanjung tinggi oleh tiap-tiap ahlinya. Perpaduan ini, dengan semangat serta disiplin untuk setia kepada kepimpinan yang jujur dan dedikasi dalam perjuangan, dan sikap sedia untuk berkhidmat kepada masyarakat dan negara, telah mendapat kepercayaan masyarakat Melayu dan bangsa pada keseluruhannya.

...9/-

9.

Tuan-tuan dan Puan-puan sekalian.

7. Kejayaan UMNO hingga ke hari ini, boleh dibanggakan oleh tiap-tiap ahlinya. Kita hendaklah sentiasa berhati-hati, kerana keutuhan dan perpaduan Parti, yang sentiasa diberi keutamaan oleh kita semua, telah menimbulkan irihati di setengah-setengah pihak dan golongan. Golongan-golongan ini sentiasa berusaha untuk melumpuhkan UMNO dengan berbagai cara, dan cuba mencari peluang untuk menimbulkan kekecohan dan pergeseran diantara ahli-ahli Parti. Kita hendaklah sentiasa berwaspada, kerana ada kemungkinan juga musuh-musuh *kita* Parti / hendak memperalatkan *kita* untuk

10.

menimbulkan perselisihan antara kita sesama sendiri.
Musuh-musuh UMNO, sentiasa menunggu keretakan
yang akan berlaku di dalam Parti kita. untuk bertindak
bagi memusnahkan *nya*

8. Sebagai sebuah Parti yang menjunjung
tinggi prinsip demokrasi, UMNO sentiasa mengalu-alukan
kelahiran pemimpin-pemimpin, yang bakal mewarisi
kepimpinan yang ada sekarang ini. Perjuangan,
tanpa memikirkan *seimbangan kepimpinan* masa
ke semasa, *akan* melemahkan Parti. Proses
kelahiran pemimpin, haruslah mengikut prinsip
demokrasi dan landasan disiplin, supaya keutuhan
Parti tidak terjejas. ...11/-

11.

9. Pada akhir-akhir ini, kita telah berhadapan dengan beberapa kekecohan yang berlaku di dalam pemilihan Ketua-ketua Bahagian UMNO, yang menunjukkan unsur-unsur yang tidak sihat«telah mempengaruhi sebilangan ahli-ahli UMNO.

Tuduhan
jika benar,
membeli jawatan dan pengaruh adalah *perbuatan* satu tindakan yang tidak berpandukan amanah *seperti* yang saya sebutkan tadi. UMNO memerlukan pemimpin-pemimpin yang jujur dan ikhlas, yang berjiwa rakyat,dan yang menyanjung keluhuran undang-undang dan kedaulatan negara, serta bersedia dan sanggup memperjuangkan kepentingan rakyat dan negara. Kita, sebagai ahli-ahli UMNO,

tidak harus membiarkan mereka yang tidak mempunyai sifat-sifat ini, untuk memegang jawatan dan mempengaruhi Parti. Sekiranya ini berlaku, UMNO akan *hancur.* dan yang salah, ialah ahli-ahli UMNO sendiri, kerana membenarkan diri mereka diperguna *itu.* dan diperalatkan oleh pihak-pihak

10. Tanggungjawab untuk menghalang berlakunya *perbuatan* yang tidak sihat di dalam UMNO, adalah terletak di tangan tiap-tiap ahli UMNO. Bagi bakal-bakal pemimpin, yang ingin merebut jawatan-jawatan penting di dalam Parti, mereka hendaklah mengukur diri sendiri dengan sifat-sifat yang telah saya sebutkan *tadi.*

13.

Ahli-ahli UMNO pula, hendaklah menilai sifat-sifat yang kita perlukan itu, sebelum memberi undi kepada sesaorang bakal pemimpin. Janganlah hendaknya kita jadikan Parti UMNO sebagai sebuah Parti yang boleh dijual-beli, yang boleh diperalatkan oleh golongan-golongan *itu,* untuk kepentingan-
nya kepentingan yang sempit,

11. Ahli-ahli UMNO hendaklah yakin, bahawa rakyat akan terus memberi sokongan kepada UMNO, sekiranya UMNO dapat mempertahankan keutuhan dan perjuangannya, dan selagi pemimpin-pemimpinnya

di semua peringkat, dapat membuktikan kejujuran dan semangat perjuangan Parti. Kita tidak harus membiarkan sifat sesaorang pemimpin atau ahli, mencenwnama baik Parti. Ingatlah kepada pepatah:"Sebab nila setitik,rosak susu sebelanga". Oleh itu, jaga dan peliharalah kehormatan dan imej UMNO.

Tuan-tuan dan Puan-puan sekalian,

12. Negeri Pahang merupakan sebuah negeri yang mempunyai sumber-sumber kekayaan,yang dapat dimajukan untuk membawa kemakmuran kepada rakyat negeri ini,dan negara amnya. Projek-projek

...15/-

15.

pembukaan tanah dan penempatan penduduk,telah dijalankan dengan pesatnya. Kerjasama diantara Kerajaan Pusat dan Kerajaan Negeri yang erat, telah membolehkan berbagai program dan projek pembangunan dilaksanakan. Usaha Kerajaan Negeri untuk meningkatkan kemajuan perindustriannya. serta lain-lain lapangan, telah menunjukkan hasil yang memuaskan. Dalam hal ini, Kerajaan Pusat
nya
akan terus memberi sokongan dan kerjasama/bagi membolehkan program dan projek pembangunan di Negeri Pahang .dapat dilaksanakan dengan licin dan berkesan.

... 16/-

16.

13. Kerajaan mempunyai tanggungjawab untuk memaju dan membangunkan negara bagi faedah rakyat,terutama sekali mereka yang daif dan golongan yang berpendapatan rendah. Dalam menunai-kafi dan melaksanakan tanggungjawabnya, Kerajaan sentiasa menghadapi berbagai cabaran,akibat keadaan politik dan ekonomi antarabangsa. Disamping itu, kita juga masih menghadapi masalah keselamatan. negara. Tiap-tiap ahli UMNO khasnya, dan rakyat amnya, hendaklah insaf tentang keupayaan Kerajaan untuk membawa kemakmuran dan kesetabilan kepada negara. Hasrat dan cita-cita Kerajaan untuk melaksanakan dasar-dasar yang mendatangkan faedah

17.

kepada rakyat dan negara, akan menjadi kenyataan dengan mudah sekali, sekiranya semua pihak dapat memainkan peranan mereka secara membina.

UMNO, sebagai Parti yang mendukung Kerajaan, hendaklah memupuk dan menjaga keutuhan Parti, supaya ia menjadi benteng dan teras yang kukuh.

Sebagai Presiden UMNO, saya menyeru semua ahli UMNO supaya jangan ghairah dan melupakan perjuangan Parti. Mereka hendaklah bersatupadu serta bersama-sama memperjuangkan nasib masa depan rakyat, khususnya orang-orang Melayu dan golongan yang kurang bernasib baik.

... 18/-

18.

14. Proses pembangunan di Negeri Pahang, sebagaimana juga diseluruh Malaysia, memerlukan kesetabilan politik, kegigihan dan kejujuran pemimpin-pemimpin di semua peringkat. Ia juga memerlukan kemampuan rakyat, untuk berusaha dan menggunakan kemudahan-kemudahan dan peluang-peluang yang diadakan oleh Kerajaan. Saya harap, dalam konvensyen ini, para peserta akan dapat memikirkan dengan sedalam-dalamnya, *ahli² bagi memperkukuhkan Parti, serta*
menperjuangkan nallamat UMNO, bagi masa-masa akan datang, disamping memikirkan peranan rakyat

19.

dalam pembangunan. Saya yakin, ahli-ahli UMNO pada keseluruhannya, dapat membuktikan kematangan UMNO, sebagai Parti yang boleh memegang teraju Kerajaan pada bila-bila zaman, dan mampu menghadapi semua cabaran.

15. Akhirnya, saya mengucapkan ribuan terima kasih dan tahniah, kepada semua pihak yang telah memberikan kerjasama dan sokongan mereka dalam menjayakan Konvensyen ini. Saya percaya, Konvensyen ini akan melahirkan buah fikiran serta cadangan yang bernas dan membina, bagi membantu Kerajaan di dalam usaha-usahanya membangun serta menjamin keutuhan dan kemakmuran negara.

20.

Tuan-tuan dan puan-puan sekalian.

16. Dengan ini, saya dengan amat sukacitanya,meresmikan konvensyen ini.

Terima kasih



No Siri	485
No Penerimaan	98/81